

召，同席傅青餘、俞开黼、陈程初、龚云浦，青餘不至。

初四日。致易芝生、陈程初信，亦接易芝生、易玉亭及清臣、寅伯各信。丁次谷、龚果斋、吴智川、蔡竹泉过谈。晚诣陈右铭谈，始知右铭已定明日回江西，得一畅谈，并出示李芋仙之子文琛致伯严信，为之怵然。

初五日。雨，风。接龙际云、黄晓村、黄冬荪、杨仙芸各信，亦致朱禹田、王惠泉、龚果斋各信。李芋生过谈。杨佑吾自乡归，为下荫塢柴薪耽延两月有餘，柴价未能全收，然约计亦两百千矣。

初六日。雨。致朱禹田信。亦接何子循、殷默存、易翰芹各信。为易云阶夫人贺生辰。便拜李黼堂、龙琴堂、任芝田、瞿子纯、张芝岑、张惠甫。兼诣李君若致唁，晤金时卿，金竹虔之世兄也。因便一诣西枝，并见离欲、来因、法喜，来因一字素蕉也。

初七日。致合淝傅相、曾沅浦宫保、周荔樵三信，傅相信即由荔樵转递。亦接林贞伯、胡浴生、史吉阶、周芝窗各信。以将赴县，专意料理各信，属家人谢客数日。

初八日。致曾摯民、李次青、黄子襄、陈幼方、黎少琨五信，亦致瞿子纯一信，托其便带。又致李冠卿、言湛甫二信，交清臣便带。又致黄恕皆一信。因喻小冈恭和之子喻庶三兆蕃得拔贡举人，因钟荅墀近光递到试卷，分致恕皆前辈。亦接黄恕皆、何子循、李杜生三信。又接胡其祥信，知子瀚已南旋。随致丁次谷一信，次谷始告闻已（近）〔进〕省也。朱香荪、王惠泉过谈。

初九日。雨。回两省赈捐局公信，以所知惟唐景星、徐雨之二人，仅举二人之号。又致程尚斋、翁小山、唐蓬洲、丁笃生。亦接黄恕皆回信允致贺，然恐不能多、易卓超、胡静惺、朱香荪、瞿子纯各信。刘祝廷、余尧衢、盛少康、易厚庵及佩珊、经生、良生过谈。晚，王荔村过谈。